

大報

文

學

堂

刊

行

海雲

佛說大報父母恩重經科判

初序分

二正宗分四

一報恩因緣三

一如來頂禮

二佛認宿世

三二分問答

二歷陳恩愛二

一 彌月劬勞

二 十偈讚頌

三 廣說業難二

一 指數諸愆

二 援喻八種

四 果報顯應三

一 啓發懺修

二 阿鼻墮苦

三上界快樂

三流通分三

一八部誓願

二佛示經名

三人天奉持

佛說大報父母恩重經圖 如來頂禮



懷耽守護息



臨產受苦息



臨

二


生子忘憂息



回苦吐甘恩



回乾就濕息



乳哺養育恩



洗濯不淨息



遠行憶念息



為造惡業恩



究竟憐愍息




六


六

六

周遠須彌



阿鼻墮苦



上界快樂



佛說大報父母恩重經

初序分

如是我聞一時佛在舍衛國王舍城祇樹
給孤獨園與大比丘三萬八千人菩薩摩
訶薩衆俱

如是我聞如是之法我從佛聞也我阿
難也佛涅槃後一切經阿難結撰故佛
此云覺也舍衛中天竺國名也王舍城

國都也祇樹祇陀太子所施之樹也給
孤獨園給孤長者所買之園也比丘舍
三義謂乞士破惡怖魔也菩薩摩訶薩
此云覺有情也大比丘常隨衆也菩薩
摩訶薩來集衆也

二正宗分四

一報恩因緣三 一如來頂禮

爾時世尊將領大衆往詣南行見一堆枯

骨爾時如來五體投地禮拜枯骨阿難大
衆白佛言世尊如來是三界大師四生慈
父衆人歸敬云何禮拜枯骨

世尊佛第十號如來佛第一號天上人
間共所尊故曰世尊從真如中來故曰
如來也三界慾界色界無色界也四生
胎生卵生濕生化生也

二佛認宿世

佛告阿難汝雖是吾上足弟子出家深遠
知事未廣此一堆枯骨或是我前世翁祖
累世爺孃吾今拜禮

阿難即十大弟子多聞第一入大權菩
薩之位故曰上足也

三二分問答

佛告阿難汝將此一堆枯骨分作二分若
是男子骨頭白了又重若是女人骨頭黑

了又輕阿難白佛言世尊男人在世衫帶
靴帽裝裹即知是男兒之身女人在世濃
塗赤硃臙脂蘭麝裝裹即知是女流之身
如今死後白骨一般教弟子如何認得

佛告阿難若是男人在世之時入於伽藍
聽講誦經禮拜三寶念佛名字所以骨頭
白了又重女人在世恣情媼欲生男養女
一迴生箇孩兒流出三斛三勝粳血飲孃

八斛四斛白乳所以骨頭黑了又輕阿難
聞語痛割於心垂淚悲泣白佛言世尊母
恩德者云何報荅

伽藍有二義一神名也一寺也此從寺
義三寶佛法僧也三勝之勝與神通

二歷陳恩愛二 一彌月劬勞

佛告阿難汝今諦聽諦聽吾今為汝分別
解說阿孃懷子十月之中極是辛苦

阿孃一箇月懷胎恰如草頭上珠保朝不
保暮早晨聚將來午時消散去

阿孃兩箇月懷胎恰如撲落梨蘓

梨蘓梨酥也林滋小雪賦曰梨蘓點點

阿孃三箇月懷胎恰如梨血

阿孃四箇月懷胎稍作人形

阿孃五箇月懷胎在孃腹中生五胞何者
名為五胞頭為一胞兩肘為三胞兩膝為

五胞

阿孃六箇月懷胎孩兒在孃腹中六精開
何者名為六精眼為一精耳為二精鼻為
三精口是四精舌是五精意為六精

六精即六根而六根有身無口六精有
口無身者胞中無觸故不言身覺味有
舌故不言口

阿孃七箇月懷胎孩兒在孃腹中生三百

六十骨節八萬四千毛孔

阿孃八箇月懷胎生其意智長其九竅

阿孃九箇月懷胎孩兒在孃腹中喫食不
食桃梨蒜菓五穀飲味阿孃生藏向下熟
藏向上有一座山此山有三般名字一號
須彌山二號業山三號血山此山一度崩
來化為一條漚血流入孩兒口中

言兒將滿月可以喫食而不食菓穀惟

飲母血也生藏心肝脾肺等也熟藏腸胃膀胱也須彌言其象也業言其因也血言其體也須彌詳見下文

阿孃十箇月懷胎方乃降生若是孝順之男擎拳合掌而生不損阿孃若是五逆之子擘破阿孃胞胎手攀阿孃心肝脚踏阿孃胯骨教孃如千刀攪腹恰似萬刃攢心如斯痛苦生得此身猶有十恩

俱含經云胎中凡有五位一七名羯羅
藍此云凝滑二七名遏蒲曇此云蛇狀
如瘡蛇三七名閉尸此云軟肉四七名
健南此云堅肉五七名鉢羅奢佉此云
形位與此不同者彼以七日為界此以
十朔論胎也擎拳合掌不損阿孃如生
民之不圻不副先生如達也胯骨髀上
骨也

二十偈讚頌

第一懷耽守護恩頌曰

累劫因緣重今來託母胎月逾生五歲七
七六精開體重如山岳動止恟風災羅衣
都不掛裝鏡惹塵埃

楞嚴經云流愛為種納想為胎父母已
三業相纏故遂入胎中成五陰身也

第二臨產受苦恩頌曰

懷經十箇月產難欲將臨朝朝如重病日
日似昏沉惶怖難成記愁淚滿脅襟含悲
告親族惟懼死來侵

第三生子忘憂恩頌曰

慈母生君日五臟捩開張身心俱悶絕流
血似屠羊生已聞兒健歡喜倍加常喜定
悲還至痛苦徹心腸

第四咽苦吐甘恩頌曰

父母恩深重恩憐無失時吐甘無所食咽
苦不嘔眉愛重情難忍恩深復倍悲但令
孩子飽慈母不辭飢

第五回乾就濕恩頌曰

母自身俱濕將兒以就乾兩乳充飢渴羅
袖掩風寒恩憐恒廢寢罷弄盡能歡但令
孩子穩慈母不求安

第六乳哺養育恩頌曰

慈母象於地嚴父配於天覆載恩將等父
孃意亦然不憎無眼目不嫌手足孿誕腹
親生子終日惜無憐

第七洗濯不淨恩頌曰

憶昔美容質姿媚甚豐濃眉分翠柳色兩
臉奪蓮紅恩深摧玉貌洗濯損盤龍只為
憐男女慈母改顏容

此因洗淨兒容而遂及母容之為兒而

改也盤龍鏡也

第八遠行憶念息頌曰

死別誠難忘生離實亦傷子出關山外母
意在他鄉日夜心相逐流淚數千行如猿
泣愛子憶念斷肝腸

第九為造惡業息頌曰

父母江山重恩深報實難子苦願代受兒
勞母不安聞道遠行去行遊夜卧寒男女

暫辛苦長使母心酸

第十究竟憐愍恩頌曰

父母恩深重恩憐無歇時起坐心相逐遠
近意相隨母年一百歲常憂八十兒欲知
恩愛斷命盡始分離

三廣說業難二六一指數諸愆

佛告阿難我觀衆生雖紹人品心行愚蒙
不思爺娘有大恩德不生恭敬棄恩背恩

無有仁慈不孝不義阿娘懷子十月之中
起坐不安如擎重擔飲食不下如長病人
月滿生時受諸苦痛湏臾好惡恐為無常
如殺豬羊血流遍地受如是苦生得此身
咽苦吐甘抱持養育洗濯不淨不憚劬勞
忍熱忍寒不思辛苦乾處兒卧濕處母眠
三年之中飲母白血嬰孩童子乃至盛年
獎教禮義婚嫁官學備求資業携荷艱辛

勤苦之終不言息絕男女有病父母病生子若病愈慈母方差如斯養育願早成人及其長成反為不孝尊親共語應對愉悅拗眼戾睛欺凌伯叔打罵兄弟毀辱親情無有禮義不遵師範父母教令元不依從兄弟共言故相拗戾出入往來不啓尊人言行高踈擅意為事父母訓罰伯叔語非童幼憐愍尊人遮護漸漸長成狠戾不調

不伏虧違反生嗔恨棄諸親友朋附惡人
習已性成遂為狂計被人誘引逃竄他鄉
違背爺孃離家別貫或回經紀或為征行
荏苒回循便為婚娶由斯留礙久不還家
或在他鄉不能謹慎被人謀點橫事鈎牽
枉被刑責牢獄枷鎖或遭病患厄難縈纏
困苦飢羸無人看侍被他嫌賤委棄街衢
因此命終無人救療膨脹爛壞日曝風吹

白骨飄零寄他鄉土便與親族歡會長垂
父母心隨永懷憂念或因啼血眼闔目盲
或為悲哀氣咽成病或緣憶子哀變死亡
作鬼抱魂不曾割捨或復聞子不崇孝義
朋逐異端無賴麤頑好習無益鬪打竊盜
觸犯鄉閭飲酒樗蒲奸非過失帶累兄弟
恣亂爺孃晨去暮還尊親憂念不知父母
動止寒溫晦朔朝晡永垂扶侍父母年邁

形貌衰羸羞耻見人嗔呵欺抑或復父孤
母寡獨守空堂猶若客人寄住他舍床席
塵土拂拭無時叅問起居從斯斷絕寒温
飢渴曾不聞知晝夜恒常自嗟自歎應賫
饌物供養尊親每詐羞慚異人恠笑或持
時食供給妻兒醜拙疲勞無避羞耻妻妾
約束每事依從尊者嗔喝全無畏懼或復
是女通配他人未嫁之時咸皆孝順婚嫁

已訖不孝遂增父母微嗔即生怨恨夫婿
打罵忍受甘心異姓他宗情深眷重自家
骨肉却已為踈或隨夫婿外郡他鄉離別
爺孃無心戀慕斷絕消息音信不通令使
爺孃懸腸掛肚常已倒懸每思見面如渴
思漿無有休息父母恩德無量無邊不孝
之愆卒陳難報

無常生死也
煽恠狠戾也
經紀行商也

爾時大衆聞佛所說父母恩德舉身投地
渾推自撲身毛孔中悉皆流血悶絕辟地
良久乃蘇高聲唱言苦哉苦哉痛哉痛哉
我等今者深是罪人從來未覺冥若夜遊
今悟知非心膽俱碎惟願世尊哀愍救拔
云何報得父母深恩

二 援喻八種

爾時如來即以八種深重梵音告諸大衆

汝等當知吾今為汝分別解說

梵音佛音也印度有伽陵鳥其聲和雅
佛音如之八種即下文解說

假使有人左肩擔父右肩擔母研皮至骨
骨穿至髓遶須彌山經百千匝猶不能報
父母深恩

須彌山刊定記云一云蘓迷亦云須彌
盧此云妙高山四寶所成高八萬由旬

俱含經云大地金輪上有九大山妙高
處中餘八周匝海水盈滿於外海中大
洲有四各對妙高南瞻部洲東勝身洲
西牛貨洲北俱盧洲即一須彌一日月
所統世界也繞山必稱須彌言其遠也
假使有人飢遭饑劫為於爺孃盡其已身
齧割碎壞猶如微塵經百千劫猶不能報
父母深恩

假使有人手執利刀為於爺孃剗其眼睛
獻於如來經百千劫猶不能報父母深恩
假使有人為於爺孃亦以利刀割其心肝
血流遍地不辭痛苦經百千劫猶不能報
父母深恩

假使有人為於爺孃百千刀輪於自身中
左右出入經百千劫猶不能報父母深恩
假使有人為於爺孃體掛身燈供養如來

經百千劫猶不能報父母深恩

體掛身燈燃指燒頂之類西土供佛之

俗

假使有人為於爺孃打骨出髓百千鋒戟
一時刺身經百千劫猶不能報父母深恩
假使有人為於爺孃吞熱鐵丸經百千劫
遍身焦爛猶不能報父母深恩

四果報顯應三 一啓發懺修

爾時大衆聞佛所說父母恩德垂淚悲泣
白佛言世尊我等今者深是罪人云何報
得父母深恩佛告弟子欲得報恩為於父
母書寫此經為於父母讀誦此經為於父
母懺悔罪愆為於父母供養三寶為於父
母受持齋戒為於父母布施修福若能如
是則名為孝順之子不作此行是地獄人
俱含經云大地底下有金水風三輪八

寒八熱地獄在三輪之上泥犁經云火
獄有八寒獄有十楞嚴經云衆生作業
從其十曰六果有八無間獄十八地獄
三十六地獄一百八地獄之分諸般受
苦詳下

二阿鼻墮苦

佛告阿難不孝之人身壞命終墮阿鼻無
間地獄此大地獄縱廣八萬由旬四面鐵

城周迴羅網其地赤鐵盛火洞然猛烈炎
爐雷奔電爍洋銅鐵汁流灌罪人鐵蛇銅
狗恒吐烟炎燠燒煮炙脂膏焦燃苦痛哀
哉難堪難忍鐵鏘鐵串鐵鎚鐵戟劒刃刀
輪如雨如雲空中而下或斬或刺苦罰罪
人歷劫受殃無時間歇又令更入地獄中
頭戴火盆鐵車分裂腸肚骨肉焦爛縱橫
一日之中千生萬死受如是苦皆因前身

五逆不孝故獲斯罪

阿鼻此云無間楞嚴註八情三想生有
間獄九情一想生無間獄則地獄之最
重者曰阿鼻也阿鼻無間之獄者并舉
梵語及譯文也由旬此云四十里地獄
多種而此獨稱火者百八獄之中火獄
為重故也

三上界快樂

爾時大衆聞佛所說父母恩德垂淚悲泣
告於如來我等今者云何報得父母深恩
佛告弟子欲得報恩為於父母重興經典
是真報得父母恩也能造一卷得見一佛
能造十卷得見十佛能造百卷得見百佛
能造千卷得見千佛能造萬卷得見萬佛
緣此等人造經力故是諸佛等常來擁護
令使其人父母得生天上受諸快樂永離

地獄苦

天人仙修羅鬼畜生為六趣情想均等
生於人間情少想多為仙為修羅情多
想少墮鬼情想俱空墮畜生純想生天
天者欲界六天曰四天王天曰忉利天
曰須焰摩天曰兜率陀天曰樂變化天
曰他化自在天色界十八天曰梵眾天
曰梵輔天曰大梵天曰少光天曰無量

光天曰光音天曰少淨天曰無量淨天
曰徧淨天曰福生天曰福愛天曰廣果
天曰無想天曰無煩天曰無熱天曰善
見天曰善現天曰色究竟天無色界四
天曰空處曰識處曰無所有處曰非想
非非想處凡二十八天四天王天下有
日月星宿天常憍天持鬘天堅首天並
帝釋天宮為三十三天也諸天皆有天

子天人隨其福德往生有高下顯識經
云衆生捨壽福業資者得天妙視見天
宮殿時天父天母同至一坐天母手中
自然華出天母見花願謂天父慶子之
歡時將不久識資善業速托華內甘露
欲風吹華七日寶璫嚴身光耀炫煥天
童朗潔現天母手生天之後欲界天壽
至一萬六千歲以人間一千六百歲為

一日色界天壽至五十劫無色界天壽
至八萬四千劫劫有大小大劫天之一
終始也小劫一大劫分二十四增劫減
劫也凡此天人衣服飲食宮室聲樂無
事營為隨念而至極其壽命無量快樂
三流通分三

一八部誓願

爾時大衆阿修羅迦樓羅緊那羅摩睺羅

伽人非人等天龍夜叉乾闥婆及諸小王
轉輪聖王是諸大衆聞佛所說各發願言
我壽盡未來際寧碎此身猶如微塵經百
千劫誓不違於如來聖教寧以百千劫拔
出其舌長百由旬鐵犁耕之血流成河誓
不違於如來聖教寧以百千刀輪於自身
中左右出入誓不違於如來聖教寧以鐵
網周匝纏身經百千劫誓不違於如來聖

教寧以剉碓斬碎其身百千萬斷皮肉筋
骨悉皆零落經百千劫終不違於如來聖
教

阿修羅此云非天謂其多瞋有天福而
無天行非人非鬼神通無畏常與梵王
及帝釋爭權迦樓羅此云金翅鳥即大
鵬力能以翅鼓海拾噉龍子緊那羅此
云疑神謂頂有一角形似人面見者疑

為是人非人摩睺羅迦此云大腹行即
鱗之類龍即西方天王夜叉即北方天
王乾闥婆此云尋香謂樂兒不事生業
但尋諸家飲食香氣即往設樂求食自
阿修羅至乾闥婆共稱扈法八部

二佛示經名

爾時阿難白佛言世尊此經當何名之云
何奉持

佛告阿難此經名為大報父母恩經已是
名字汝當奉持

三人天奉持

爾時大衆天人阿修羅等聞佛所說皆大
歡喜信受奉行作禮而退

報父母恩真言

曩謨三滿多沒馱喃唵誡誡曩娑嚩訶

往生真言

曩謨三滿多沒馱喃唵秫帝律尼婆嚩訶
真言秘咒也正脉云秘咒非但只是梵
語乃是一切聖賢秘密之語蓋梵語此
方不曉而天竺所共解者也至於秘咒
非但天竺常人不知即下位聖賢亦不
達上位之咒故諸經神咒例皆不翻智
者大師云有四意一云鬼神王名二云
如軍中密號三云密默遮惡餘無識者

四云諸佛密語唯聖乃知

諸佛密語唯聖乃知
諸佛密語唯聖乃知
諸佛密語唯聖乃知
諸佛密語唯聖乃知
諸佛密語唯聖乃知
諸佛密語唯聖乃知
諸佛密語唯聖乃知
諸佛密語唯聖乃知
諸佛密語唯聖乃知
諸佛密語唯聖乃知

歲柔兆執徐仲夏開

印箴于花山龍珠寺



松和太藥山島并考

